

**Aningaasarsianit akileraarutit pillugit Inatsisartut
inatsisaata allanngortinneqarneranik Inatsisartut
inatsisaat (Peqatigiiffit il.il. ilaannik akileraarusiineq,
nunani allani selskabinit pigisanit selskabit
piginnittuusut iluanaarutisiaasa
akileraaruteqannginnissaat, piffissap iluanaarutisiat
ilanngaatigineqarsinnaaffiata allanngortinnera,
kiisalu sinerissamut qanittumi aalisarnerup
nutarterneqarneranut atatillugu kingoraarsinermi
maleruagassat)**

§ 1

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, ilaatigut Inatsisartut inatsisaatigut nr. 15, 30. oktober 1998-imeersukkut, kingullerpaamillu Inatsisartut inatsisaatigut nr. 9, 12. november 2001-imeersukkut allanngortinneqartumi makku allanngutigitinnejqarput:

1. § 1, imm. 1-imi nr. 10-p kingornanut normutut nutaatut ilanngunneqassaaq:

"10a) peqatigiiffit, suleqatigiiffit, iluaqtissiuiffit, aningaasaatit aalajangersimasunut atugassanngortitat aamma suliffeqarfut imminnut pigisut Kalaallit Nunaanni angerlarsimaffeqartut, aammalu akunnitarfeqarnermik imaluunniit neriniartarfefqarnermik ingerlataqartut. Akileraartussaatitaanermi taamaallaat pineqarput taamatut ingerlataqarnikkut aningaasarsiat kiisalu pigisanik nalilinnik, inuussutissarsiutitut ingerlatami tassani atorneqartunik atorneqarsimasunilluunniit tunisaqarnermi, tunniussinermi imaluunniit piginnikkunnaarnermi iluanaarutit annaasalluunniit,"

2. § 3, imm. 1-imi nr. 7-ip kingornanut normutut nutaatut ilanngunneqassaaq:

"8) Peqatigiiffit, suleqatigiiffit, iluaqtissiuiffit, aningaasaatit aalajangersimasunut atugassanngortitat aamma suliffeqarfut imminnut pigisut Kalaallit Nunaanni angerlarsimaffeqartut, aammalu timersortarfinni neriniartarfefqarnermik ingerlataqartut."

3. § 14, imm. 3, litra a-mi oqaaseqatigiitappaata kingornanut ilanngunneqassaaq:

"Aktianilli tunisaqarnermi annaasat taamaallaat ilanngaatigineqarsinnaapput, annaasat aktiat pineqartut iluanaarutitaannit, § 24, nr. 11a naapertorlugu akileraaruserneqartussaasimangitsunit, aammalu

iluanaarutisiarititanut ilanngaatigineqarsinnaasunut, tak. § 19, imm. 3, milliliissutaasimanngitsunit annertuneruppata."

4. § 19-imi imm. 2 - 5-itut ilanngunneqassapput:

"Imm. 2. Iluanaarutisiat ukiumi aningaasarsiorfiusumi kingullermi siusinnerusumiluunniit sinneqartoorutit ilaannit agguagarsiatut aktiaatilinnut, anpartiutilinnut, piginneqataassutilinnut ilaasortanulluunniit tunniunneqartut ukiup aningaasarsiorfiup siuliani aningaasarsianit akileraaruteqaataasussanit ilanngaatigineqarsinnaanerat Skatterådip akuersissutigisinhaavaa, matuman iamma piumasaqaatinik aalajangersaaffigisinhaavaa. Skatterådimut qinnuteqaat, nammineerluni nalunaarsuiffiup tunniunneqarneranut ilutigitillugu tunniunneqassaaq.

Imm. 3. Selskabit il.il. imm. 1-imi taaneqartut iluanaarutisianik § 24, nr. 11a naapertorlugu akileraarusigassaasimanngitsunik pissarsisimappata, iluanaarutisiarititat il.il. imm. 1 iamma 2-miittut ilanngaatigineqarsinnaasut iluanaarutisiatut akileraaruteqaataanngitsumik pissarsiarineqarsimasunik millilerneqassapput. Milliliineq ukiumi aningaasarsiorfiusumi iluanaarutisiat agguanneqarfianni pissaaq. Milliliineq ukiumi aningaasarsiorfiusumi tassani tamakkiisumik pisinnaanngippat, ukiumilu siusinnerusumi iluanaarutisiatut agguassanit ilanngaatigineqarsinnaanngippat ukiumut aningaasarsiorfiusumut kingusinnerusumut nuunneqassaaq.

Imm. 4. Selskabit il.il. imm. 1-imi taaneqartut iluanaarutisianik § 24, nr. 11a naapertorlugu akileraarusigassaasimanngitsunik pissarsisimasut, iluanaarutisiat annertussusiat kiisalu iluanaarutisiat taakku ilaat qanoq annertutigisut iluanaarutisiarititanut il.il. imm. 1 iamma 2-miittunut ilanngaatigineqarsinnaasunut milliliissutitut atorneqarsimaneri, imaluunniit aktianik tunisaqarnermi annaasanut, § 14, imm. 3, litra a, ikilisaatitut atorneqarsimaneri pillugit naatsorsuiffimmik nammineerluni nalunaarsuiffimmut ilanngussissapput.

Imm. 5. Imm. 3 iamma § 14, imm. 3, litra a naapertorlugit milliliineq tamakkiisumik pisimanngippat selskabimit pigisamit iluanaarutisiat sippuutaat ukiumi aningaasarsiorfiusumi, selskabip piginnittusuup atorunnaarsivinnejarfiani, imaluunniit kingusinnerpaamik piffissami selskabip piginnittusuup § 1 naapertorlugu akileraartussaatitaanerata kipinerani, imaluunniit § 3, imm. 1 naapertorlugu akileraartussanngorfiani, imaluunniit § 3, imm. 2 imaluunniit imm. 3 naapertorlugit akileraartussajunnaarfiani selskabip piginnittusuup aningaasarsiaanut akileraaruteqaataasussanut ilanngunneqassapput."

5. § 24-mi nr. 11-p kingornanut normutut nutaatut ilanngunneqassaaq:

"11a) Selskabini nunani allani, matuman iamma Danmarkimi Savalimmiunilu, angerlarsimaffeqartuni aktiaatinit anpartiutinilluunniit iluanaarutisiat, selskabinit il.il. § 1, imm. 1, nr. 3, 4, 6, 7 iamma 9-mi taaneqartunit pissarsiarineqartut. Tamannali taamaallaat atuuppoq selskabip iluanaarutisianik pissarsisuup, selskabip piginnittusuup, selskabimi iluanaarutisianik tunniussaqartumi, selskabimi pigineqartumi, aktiatigut anpartitigulluunniit aningasaatit minnerpaamik 25 pct.-ii piffissami ataannartumi sivikinnerpaamik ukiumi ataatsimi, piffissallu taassuma iluani iluanaarutisianik agguassiffiusimasussami pigisimappagit."

6. § 25 c-mi imm. 3-tut ilanngunneqassaaq:

"Imm. 3. Raajartassanik imaluunniit aalisariummik tunniussinermi kapitalimi uani kingoraarsisinnaanermik maleruagassat atorneqarsinnaanerat Skatterådip akuersissutigisinhaavaa, tunniussaqartoq aammal uani aktie- imaluunniit anpartsselskabi tunniussiffingeqartoq § 1, imm. 1, nr. 1 iamma 3 naapertorlugit

tamakkiisumik akileraartussaatitaappata. Taamaattorli raajartassanut aalisariummullu akiliutit tamarmiusut selskabimi tunniussiffingineqartumi aktiatut anpartitulluunniit akilerneqassapput."

§ 2

Inatsisartut inatsisaat ullormi 22. april 2003-mi atuutilerpoq.

Imm. 2. § 1, nr. 1 aamma 2 ukioq aningaaarsiorfusoq 2004 aallarnerfigalugu atortuulissapput.

Imm. 3. § 1, nr. 3-miit nr. 5-imut ukioq aningaaarsiorfusoq 2003 aallarnerfigalugu atortuulerput.

Imm. 4. § 1, nr. 6 ukioq aningaaarsiorfusoq 2002 aallarnerfigalugu atortuulerpoq.

§ 3

Peqatigiiffinnut il.il. § 1, nr. 1 naapertorlugu akileraartussanngortunut imm. 2-6-imut aalajangersakkat ikaarsaarutaasut atorneqassapput.

Imm. 2. Maskiinat, pequitit ingerlatsinermullu atortut assigisaasa, peqatigiiffiup il.il.

akileraartussaatitaalernini sioqqullugu pigisaasa § 13 a naapertorlugu pissarsiarineqarneranni nalingattut nalikillilerneqarsinnaasutut atorneqartussat tassaapput ullormi 1. januar 2004-mi nalinginnaasumik niuernermi nalingat.

Imm. 3. Umiarsuit timmisartullu § 13 a naapertorlugu nalikillilerneqarsinnaasut,

akileraartussaatitaalernerlu sioqqullugu pissarsiarineqarsimasut, ullormi 1. januar 2004-mi nalinginnaasumik niuernermi nalingat tunngavigalugu nalikillilerneqassapput.

Imm. 4. Illuutit atortullu ikkussorneqarsimasut § 13 a naapertorlugu nalikillilerneqarsinnaasut,

akileraartussaatitaalernerlu sioqqullugu pissarsiarineqarsimasut imaluunniit inaarneqarsimasut, ullormi 1. januar 2004-mi nalinginnaasumik niuernermi nalingat tunngavigalugu nalikillilerneqassapput.

Imm. 5. Pigisanit imm. 2, 3 aamma 4-mi pineqartunit iluanaarutit annaasalluunniit naatsorsorneqarneranni pissarsiarineranni akit imm. 2, 3 aamma 4-mi aalajangersarneqarsimasut atorneqassapput.

Imm. 6. Aktiatigut, pisassarisatigut aamma akiitsutigut iluanaarutit annaasalluunniit

naatsorsorneqarneranni pissarsiarineqarneranni akiviannut taarsiullugu ullormi 1. januar 2004-mi nalingat atorneqassaaq.

Namminersornerullutik Oqartussat, ulloq 10. april 2003

Hans Enoksen

/

Augusta Salling

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut